

O LE FAAAO-GAINA LELEI O LOU TAIMI

A e faamuamua le Alii, e i ai le avanoa mo isi mea uma.

Saunia e Natasha Andersen
Mekasini a le Ekalesia

MEA E FAAOAGA

- O se fagu tioata
- Oneone, ilili, araisa, po o maamaa
- O maa e tetelē atu (e pei o le lapopoa o polo tapolo, po o le 5 sm le faalava)

SAUNIUNIGA: Ia fuaina muamua au mea e ala i le tuu muamua o maa tetelē i totonu o le fagu. Faaopoopo na o ni oneone (po o ilili, araisa, po o maamaa) e faatumu ai le fagu i le pito i luga. Atonu e te manao e lulu le fagu a o e faaopoopoina le oneone ina ia faatumuina ai isi avanoa. Ia sa’ati laia maa ma le oneone i ni fagu eseese ae e te lei aoao atua lenei lesona.

E fia ni gaoioiga eseese e tausiniō mo lou gauai atu i ai i aso uma? E tofu uma i tatou ma tai 24 itula e faaalu, ae o le auala tatou te filifili e faaoga ai lena taimi e faia ai se eseeseega tele!

Na aoao mai Peresitene Dallin H. Oaks, le Fesoasoani Muamua i le Au Peresitene Sili: “O le aofaiga o mea lelei e

mafai ona tatou faia, e sili mamao atu i lo le taimi e maua e faataunuu ai.” O nisi mea e sili atu i le na o le lelei, ma o mea nei e tatau ona ave i ai le faamuamua i o tatou olaga. . . . E ao ona tatou tuuese nisi o mea lelei ina ia filifili ai isi mea e lelei atu pe silisili ona lelei.”¹

I lenei gaoioiga, o le a e faaalua ai le mea e tupu pe a tatou faia le galuega a le Alii ma mea tatou te faamuamuaina.

1. FAATUMUGA O LE TAIMI

E tele gaoioiga lelei e mafai ona faaoga ai o tatou taimi e tulitulumataga. Fai atu i lou aiga e faasoa mai nisi o mea latou te faaalu ai o latou taimi i aso taitasi e fai.

Faamalalama atu e faapea, o le fagu e suitulaga i le taimi. O maa ma oneone ua faatusa i mea eseese e mafai ona tatou faia i lo tatou taimi: o maa tetelē e mo mea ua fetalai mai le Alii tatou te faamuamua, e pei o le suesueina o tusitusiga paia, auaunaga, galuega o le malumalu

ma talafaasolopito o aiga, ma le auai i le lotu, ae faatusa le oneone i isi gaoioiga lelei, e pei o le faia o meaoga ma le faaaluina o le taimi ma uo.

2. SESE MEA E FAAMUAMUA

Sasaa uma muamua oneone i totonu o le fagu, ona faaopoopo lea o maa tetelē i luga. Pe a e tuuina muamua le oneone i totonu, e le lava se avanoa mo maa uma e tetele atu—e pei lava o le auala e faatulaga ai isi a tatou gaoioiga nai lo mea ua poloaiina i tatou e le Tama Faalelagi e fai, atonu o le a lē lava lo tatou taimi mo mea e sili ona taua.

3. FETAUI TONU LE TULAGA

Na poloai mai Iesu Keriso, “Aua le saili i mea o lenei lalolagi a ia outou muai saili e fausia le malo o le Atua, ma faatuina lana amiotonu” (Faaliliuga a Iosefa Samita, Mataio 6:38 [i le Mataio 6:33, vaefaamatalaga a]). Ia talanoaina pe mafai faapefea ona e faamuamua lou taimi e ala i le sailia muamua le malo o le Atua.

Sasaa lau fagu ma toe amata i aitema lava ia e tasi. Atonu e mananao ni nai ou tei laiti e fesoasoani atu. Tuu atu ia i

latou e tuu muamua ia maa tetelē i totonu o le fagu. A o e faaopoopoina le oneone mulimuli ane, matamata i le ala e faatumulia ai isi avanoa faataamilo i maa tetelē seia oo ina ofi uma i totonu le oneone.

Fesili i lou aiga po o le a so latou manatu i le uiga o lenei folafolaga mai ia Peresitene Russell M. Nelson: “A o e foai atu e le aunoa i le Alii se vaega limafoai o lou taimi, o le a la faateleina le vaega o totoe.”²

FAAMUAMUA LE ALII

A tatou saili e fai muamua, le finagalo o le Atua, e fesoasoani o la ina ia lava le taimi mo isi mea e manaomia ma faagaetia. Afai la o loo e tauivi ia lava le taimi e faauma ai se meaoga, atiina ae au taleni, po o le moe pe a e manaomia, fesili i le Alii po o le a se mea e mafai ona e faia e faamuamua ai lou taimi e tusa ai ma Lana fuafuaga. Ia faatutu faatasi sini o se aiga e tuu le galuega a le Alii—ma la outou sootaga ma la—e faamuamua i aso taitasi. ■



ATA NA TUSIA E DAVID HABBEN

FAAMATALAGA

1. Dallin H. Oaks, “Lelei, Lelei Tele, Lelei Silisili,” *Liahona*, Nov. 2007, 104, 107.
2. Russell M. Nelson, “Tutu Atu o ni Tagata Moni o le Meleniama,” *Liahona*, Oke. 2016, 51.